



A sultāan loeta yāmb ned fāa kārē, a sã n gõe, loees a tãabo, a yembr fāa wēeda yun-wok fo zug, n yeele bi f gāande

Yii a Abu Hurayrat nengē, (Wënd yard be a yīnga), ti Wënd Tēn-tuuma, (Wënd puusg la A tigr be a yīnga) yeelame: «A sultāan loeta yāmb ned fāa kārē, a sã n gõe, loees a tãabo, a yembr fāa wēeda yun-wok fo zug, n yeele bi f gāande, la a sã n nek n tēeg Wënd yuurā, la loεeg a yembr sēn lokde, la a sã n yōk koom la loεeg a yembr sēn lokde, la a sã n puuse, la loεeg a yembr sēn lokde, t'a lebg yīn-yēesg soaba, t'a mengā tar laafi, la sã n ka yi woto a nekda yibeoogo t'a mengā yaa gōo, n yaa kuuma».

[Naṣuṇ Ṣaḥiḥuṇ (Gom-sikdem sēn manege)] [B zemsa taab a zugu (A Al-Buḥaariy la a Muslim n reeg-a)]

Nabiyaamā kōta kibare (Wënd puusg la A tigr be a yīnga) a sultāan halhaalā la a maorā ne ninsaal ning sēn rat n yik n maan yung Puusgā, maa Fagir Puusgā. Rēnd sid-kōt sã n kēng a gōeemē wā, la sultāanā sēn loet a kārē wā, loees a tãabo. Ti sid-kōtā sã n neke la a tēeg Wënd yuurā, (A Naam zēk yā), la a ka sak a sultāan yuus-yuusā; loεegā lodgdame. La a sã n yōk koom la loεeg a yembr sēn lokde. La a sã n yik n puuse, la loεeg a tãab soabā sēn lokde, t'a lebg yīn-yēesg soaba, t'a mengā tar laafi, a sūurā sēn noome ne Wënd sēn sōng-a ne yel-sōmd la yaafo, n lagem ne a sultāan loeesā sēn lodgā, la a yīngā sēn yēesā. Sã n ka yi woto a nekda yibeoogo t'a mengā yaa bāada, t'a sūurā sāame, ti kuung tar-a t'a ka tōe n maan tuum sōma la manegr ye, ti b loe-a ne a sultāan wīy, t'a zāag n yi Ar-rahmaan Naab pēnegre.

<https://sunnah.global/hadeeth/mos/show/3731>

